

Här Fernand Etgen

President vun der Deputéiertechamber

19, um Krautmaart

L-1728 Lëtzebuerg

Lëtzebuerg, den 2. Juni 2021

Här President,

Sou wéi d'Chambersreglement et virgesäit, biede mir lech, dës parlamentaresch Fro un den Här Finanzminister an un den Här Staatsminister weiderzeleeden.

Laut dem Artikel "Ideen gegen Trickereien" deen den 2. Juni am Lëtzebuenger Wort publizéiert gouf, huet d'EU-Kommissioun lo en Accord mam EU-Parlament d'Ariichtung vun engem EU-Steierobservatiounsrot decidéiert. Dee genannte Gremium soll sech mat Froe ronderëm "*Steuervermeidung, Steuerhinterziehung und aggressive Steuerplanung*" beschäftegen an déi politesch Verantwortlech entspriechend beroden. Als Chef vun deem Gremium gouf de Fransous Gabriel Zucman designéiert, deen an der Vergaangenheet mat ganz provokativen Aussoe vis-à-vis vun eisem Land opgefall ass. An deem uewe genannten Artikel aus dem Lëtzebuenger Wort, gëtt den Här Zucman follgendermoossen zitéiert: "*Luxemburg hilft multinationalen Konzernen bei der Steuervermeidung und so manchem Reichen bei der Steuerhinterziehung. Außerdem sind in Luxemburg zahlreiche Fonds angesiedelt, in denen schmutziges Geld, versteckt vor den Behörden, investiert und damit gewaschen wird*". Am éischten Deel vu senger Ausso bezitt hien sech just op déi legal Steierpolitik vun der Lëtzebuenger Regierung. Am zweeten Deel ënnerstellt hien "Lëtzebuerg" allgemeng, also warscheinlech souwuel de privaten Acteuren op der Finanzplaz wéi op mannst och indirekt dem Staat, kriminell a strofbar Aktivitéiten, déi hei quasi gläichgestallt ginn.

Domat awer net genuch. 2015 huet den Här Zucman laut der Luxembourg Times souwuel den Ausschloss vu Lëtzebuerg aus der europäescher Unioun wéi och d'Aschränkung vun eisem Stëmmrecht gefuerdert: "*If Luxembourg is no longer a nation, it has no longer a place in the European Union*". A weider: "*Nothing in the treaties, in the spirit of European construction or in democratic reasoning, justifies allowing an offshore platform for the global financial industry to have a voice equal to that of other countries*".

An deem Kader géife mir der Regierung gär des Froe stellen:


- 1) Wéi eng Positioun bezitt d'Lëtzebuenger Regierung vis-à-vis vun der Ariichtung vun dësem Gremium? Gesäit d'Regierung an dëser Decisioun, notamment an der Definitioun vum Aufgabeberäich eng bewosst politesch Gläichsetzung vu Steieroptiméierung a Steierhannerzéiung? Wéi ass séchergestallt, datt des zwee Voleten an der Aarbecht a virun allem och an der ëffentlecher Kommunikatioun vun dësem Gremium propper getrennt ginn?
- 2) Wéi positionéiert d'Regierung sech zu der Personaldecisioun am Fall vum Här Zucman? Wéi gedenkt si vis-à-vis vun der EU-Kommissioun dorop ze reagieren?

- Gesäit si a senger Ernennung doriwwer raus eng Vermëschung vun engem u sech zur Neutralitéit ugehalene Recherchezentrum a politischem Aktivismus?
- 3) Iwwer wéi ee Matsproocherecht verfügen d'Staat- a Regierungschef bei der Aarbecht vun dësem Zentrum? Iwwer wéi eng Widdersprochsméiglechkeete verfügen d'Memberstaaten wann hir Politik an/oder hir Legislatioun an der Aarbecht vun dësem Zentrum falsch duergestallt gëtt?
 - 4) Wéi wëll d'Regierung sécherstellen, datt eis steierlech Interessi an engem politesch ëmmer méi polariséierten Ëmfeld zukünfteg nach kënnen geschützt ginn? Insistéiert si z.B. weider op d'Eestëmmegkeet a Steuerdecisiounen?

Mat déiwem Respekt,



Fernand Kartheiser
Deputéierten



Roy Reding
Deputéierten



LE GOUVERNEMENT
DU GRAND-DUCHÉ DE LUXEMBOURG
Ministère des Finances

Monsieur le Ministre
aux Relations avec le Parlement
p.a. Service Central de Législation
5, rue Plaetis
L-2338 LUXEMBOURG

Référence : 839x0cf06

Luxembourg, le 29 juin 2021

Concerne : Question parlementaire n° 4412 du 2 juin 2021 de Messieurs les Députés Fernand Kartheiser et Roy Reding concernant le directeur de l'observatoire européen de la fiscalité

Monsieur le Ministre,

J'ai l'honneur de vous transmettre ci-joint la réponse commune à la question parlementaire sous rubrique.

Veillez agréer, Monsieur le Ministre, l'expression de mes sentiments très distingués.

Le Ministre des Finances,

Pierre GRAMEGNA

Gemeinsam Äntwert vum Här Finanzminister, Pierre Gramegna, an vum Här Staatsminister, Xavier Bettel, op d'parlamentaresch Fro n°4412 vun den éierbaren Deputéierten Fernand Kartheiser an Roy Reding iwwert den "Directeur de l'observatoire européen de la fiscalité"

An hirer parlamentarescher Ufro werfen déi éierbar Deputéiert eng Rei Froen op iwwert den neien "Observatoire européen de la fiscalité".

Et handelt sech hei ëm en akademeschen Gremium, deem am Mäerz 2021 gegrënnt ginn ass, an op der Paris School of Economics ugesidelt ass. Dësen Observatoire wëll duerch eng innovativ Fuerschung iwwert d'Besteuerung sain Deel zu enger méi demokratescher an inklusiver Debatt iwwert d'Zukunft vum Steuerëmfeld bäidroen. Dëst soll des Weideren den Dialog tëschent der wëssenschaftlecher Communautéit, der Zivilgesellschaft an der Politik an Europa férdere. Et ass an deem Kader net virgesinn, datt d'EU-Memberstaaten een "Matsproocherecht" bei den Aarbechten vun dësem Gremium hunn. Deementspreechend ass et och net un der Lëtzebuerger Regierung, fir de Choix vun de Mataarbechter vun dësem Gremium ze kommentéieren.

Den Observatoire huet keng décisionnel Kompetenzen am Beräich vun der EU-Steierpolitik. D'Ariichtung vun dësem Gremium huet also weder een Impakt op d'Kompetenzen vun den EU-Memberstaaten an dësem Beräich, nach op d'Décisionsprozeduren.